

續天津縣志卷六

海防兵制

附海運海道
海口通商

兵以防患而衛民津邑地濱渤澥宋設橫海軍金設臨海軍元設海津鎮明成祖三衛之設實沿海津舊制而增置之舊志繫兵制於海防良有以也我

朝雍正間添設水師河標諸營與總鎮相表裏厥後因時制宜或沿或革檔冊闕如姑就可考者著於篇至於化兵戎而聯玉帛擴胞與而徧懷柔仰見聖天子宏此遠模窮黷弗尙從此吉協豚魚鯨波永靖矣

續天津縣志

卷六

海防兵制

一

天津鎮營

總兵官一員

左營

中軍遊擊一員

中軍守備一員

千總二員

把總二員

右營

遊擊一員

中軍守備一員

千總一員

把總一員

城守營

都司一員

千總一員

把總三員

按天津鎮屬原設二十六營管轄馬步守兵五千八百八十一名道光二十一年於本標簡僻營分裁兵二百三十三名嗣於二十二年經直

續天津縣志

卷六

海防兵制

二

隸總督訥爾經額兩次奏添新兵四千七百名統計新舊兵一萬零三百四十八名

大沽協鎮營

副將一員

中右營

中軍都司兼管

中左營

都司一員

千總一員

把總一員

前左營

都司一員

前右營

遊擊一員

守備一員

千總一員

把總一員

後右營

都司一員

千總一員

續天津縣志

卷六

海防兵制

三

後左營

守備一員

千總一員

把總一員

按協標海口左右六營成豐八年改設每營帶

隊官千總一員把總一員經制外委二員額外

外委四員每營兵丁三百名不務馬步守缺以

槍礮為正技撥練洋槍隊八百名洋礮隊八十

名另有官弁管帶其餘兵丁月支口分銀各二

兩八錢分駐礮臺按日操練

蘆團 咸豐三年長蘆運使楊公需設

按咸豐三年二月粵匪北竄各省舉辦團練運使楊公需會同在籍官紳製造擡槍五百桿需項由蘆商按引捐交練勇四百名後添練一百名共五百名每名月給口分京錢三千三百文統帶總帶幫帶官各一員左右哨官十二員俱候補武職

洋槍隊 同治元年兵部侍郎三口通商大臣崇公厚設

續天津縣志 卷六 海防兵制 四

按初設時由大沽協標六營官兵內挑練五百名為一營後歷年添練分為五營共兵丁二千五百名設總統一員翼長一員每營管帶官一員幫帶官二員正副令官二員帶隊官十員分帶隊官二十員每營分十隊每隊兵丁四十八名內隊長一名隊副一名目兵二名十隊共兵丁四百八十名又每營字識差兵二十名以足五百名之數同治七年

奏定薪水口分分別行坐支發

總統月支銀八十兩 行加銀四十兩

翼長月支銀六十兩 行加銀三十兩

正令官月支銀三十二兩 行加銀十六兩

幫帶營官月支銀三十兩 行加銀十五兩

副令官月支銀二十兩 行加銀十兩

帶隊官月支銀十兩 行加銀五兩

分帶官月支銀八兩 行加銀四兩

五營兵丁每名月支銀三兩行加銀一兩又每

營月支公費銀八十兩內隊長月加銀一兩五

錢隊副一兩目兵五錢所用器械均係帶刺來

福洋槍

海口礮臺 咸豐八年修建

續天津縣志 卷六 海防兵制

南岸三座 東沽村東海河口

北岸二座 甯河縣界于家堡村南海河口

後牆營門小礮臺二十五座

共大礮六十四尊以威鎮海門高五字分號每

臺三尊餘俱分設小礮臺礮洞復於小礮臺設

噴礮次礮二十五尊每尊管帶官一員兵丁十

二名

按大沽礮臺修建後大府譚公廷襄檄調邑紳

張錦文赴沽商辦軍務錦文週歷礮臺曰無溝

無壘兵無藏身之地一旦臨敵設有不利潰矣

請於大府自大沽至草頭沽環臺挑濠卽以濠
土築垣俱獨力捐辦後海口失事兵勇賴以保
全者無算是知礮臺無溝壘護之不足恃也

土礮臺 咸豐三年邑紳張錦文創築於稍直口其
法以席實土用築鹽夫捆裹成包擇地堆累不日
成臺寬廣高下可以意為費省而工捷統兵大臣
勝公保深獎之及賊敗竄錦文復於獨流前後河
築臺五座皆捐資獨辦我軍勦匪獲勝礮臺之力
也

礮盤 亦張錦文創製可四面旋轉施放

續天津縣志 卷六 海防兵制 又五

礮車 同治初年 宮保通商大臣崇公厚造

開花礮 又名子母礮 宮保通商大臣崇公厚造

附海運

我

朝自定鼎以來歲運南漕糧米俱由運河抵津達通
至京倉章程具詳舊志道光五年高家堰決口河
道阻滯始用蘇撫陶文毅公議於道光六年試行
海運二十八年復行之

欽命大臣分赴津通會同倉場侍郎驗收此後自咸豐二
年起至今歲以為常

道光二十六年海運江蘇漕白米一百五十六萬
石

續天津縣志

卷六

附海運

六

按是年驗米大臣失考

道光二十八年海運江蘇漕白米一百零九萬六
千四百三十餘石奉

旨派通政司副使朱

樽

倉場侍郎德

誠

來津驗收

咸豐二年海運江蘇漕白米一百零六萬二千一
百六十餘石奉

旨派戶部尚書孫

瑞珍

倉場侍郎慶

祺

來津驗收

咸豐三年海運江蘇漕白米八十一萬八千二百
七十餘石浙江漕白米五十八萬六千五十餘石
奉

旨派戶部尙書孫瑞珍倉場侍郎慶祺來津驗收

咸豐四年海運江蘇漕白米五萬四千九百二十餘石浙江漕白米六十八萬七千七百六十餘石奉

旨派鄭親王端華倉場侍郎全慶來津驗收

咸豐五年海運江蘇漕白米五十八萬八千一百餘石浙江漕白米六十七萬四千三百四十餘石奉

旨派工部尙書全慶倉場侍郎文彩來津驗收

咸豐六年海運江蘇漕白米七十七萬六千餘石

續天津縣志 卷六 附海運 七

浙江漕白米六十九萬六千七百餘石奉

旨派戶部左侍郎譚廷襄倉場侍郎阿彥達來津驗收

咸豐七年海運江蘇漕白米十一萬七千九百五十餘石浙江漕白米二十二萬四千七百三十餘石奉

旨派鄭親王端華倉場侍郎崇綸來津驗收

咸豐八年海運江蘇漕白米八十八萬六千二百六十餘石浙江漕白米四十六萬五千七百一十餘石

按是年驗米大臣失考

咸豐九年海運江蘇漕白米八十九萬二千一百六十餘石浙江漕白米六十二萬六百餘石奉

旨派工部尚書全慶倉場侍郎廉兆綸來津驗收

咸豐十年海運江蘇漕白米八十九萬二千一百六十餘石浙江漕白米三十六萬四千五百九十餘石

按是年驗米大臣失考

咸豐十一年海運江蘇漕白米三萬三千二百九十餘石

按是年驗米大臣失考

續天津縣志

卷六

附海運

八

同治三年海運江蘇漕白米十一萬八千八百九十餘石

按是年驗米大臣失考

同治四年海運江蘇漕白米三十一萬五千九百九十餘石奉

旨派兵部尚書載齡倉場侍郎宋晉來津驗收

同治五年海運江蘇漕白米二十九萬七千七百九十餘石浙江漕白米十七萬九千二百五十餘石奉

旨派工部尚書單懋謙倉場侍郎鍾岱來津驗收

同治六年海運江蘇漕白米五十萬二千二十餘石浙江漕白米三十萬五千六百八十餘石奉

旨派協辦

大學士工部尚書瑞

常

倉場侍郎宋

晉

來津驗收

同治七年海運江蘇漕白米五十四萬六千三百二十餘石浙江漕白米三十萬二千九百九十餘石江北漕白米五萬七千六百三十餘石奉

旨派戶部尚書羅

惇衍

倉場侍郎鍾

岱

來津驗收

同治八年海運江蘇漕白米六十七萬二千三百三十三石浙江漕白米三十三萬一千一百六十餘石江北漕白米八萬八千四百餘石奉

續天津縣志

卷六

附海運

九

旨派工部尚書毛

昶熙

倉場侍郎衍

秀

來津驗收

附奉天販運

康熙間海上官網戶鄭世泰以天津地薄人稠雖豐收不敷民食籲懇

聖祖仁皇帝用海舟販運奉天米穀以濟津民蒙

恩俞允官給龍票出入海口照驗放行

乾隆四年五月以直隸米價騰貴降

旨諭令商賈等將奉天米石由海洋販運以濟畿輔

乾隆四年十月

命嗣後奉天海洋運米赴天津等處之商船聽其流通不

必禁止

按舊志奉天海洋販運始於乾隆四年其實康熙年間鄭世泰奏准後販運者已不乏人如鄭爾端蔣應科孟宗孔等其最著者也自奉乾隆四年

諭旨後販運者益夥矣從前不過十數艘漸增至今已數百艘不獨運至津門卽河間保定正定南至閘河東至山東登萊等口亦俱通販矣

附海道

按海道運漕較河運費省而功捷然大洋浩瀚風信不時非善辨水色熟諳沙嶼則不能計時而達且觸礁擱淺在在堪虞是故海舶以針盤格其方向以更香計其時刻瞭望沿海州縣汛地以核其里數至詳慎也蓋其所由之道有一定而不可移易者攷之上古尙書禹貢篇載揚

續天津縣志

卷六

附奉天販運

十

州貢賦沿于江海達于淮泗冀州夾右碣石入于河此航海之始也厥後秦始皇攻北邊由琅邪輸粟餉士唐咸通中亦嘗議行海運此皆一時權宜之策其運道經行里數無可稽攷自元明以來履行海漕道亦屢變其最善者莫如元

世祖至元間所開生道卽今沙船領運所由之道也十餘年來甚稱穩便陶文毅公奏疏內紀其段落里數最爲詳明茲錄於後以爲航海指南

第一段海船自上海縣黃浦口岸東行五十里出吳淞口入洋繞行寶山縣之復寶沙迤至崇明縣之新開河計一百一十里又七十里至十漊是爲內洋十漊可泊船爲候風放洋之所崇明縣地

第二段自十漊開行卽屬外洋東迤一百八十里

續天津縣志

卷六

附海道

十一

至柰山一名蛇山又名南槎山係荒礁上無居民不可泊但能寄碇爲東出大洋之標準蘇松鎮所轄

第三段自柰山駛入大洋向正北微偏東行至通州呂泗場對出之洋面約二百餘里水深十丈可寄碇從此以北入黑水大洋至大洋梢對出之洋面約一百四十里係狼山鎮右營所轄又北如臯縣對出之洋面起至黃沙洋港對出之洋面約二百六十里又北泰州對出之洋面起至黃家港對出之洋面約二百二十里係狼山

鎮掘港營所轄又北至鬪龍港對出之洋面約
二百里又北至射陽湖對出之洋面約一百二
十里係鹽城營所轄又北至黃河口對出之洋
面約一百二十里係廟灣營所轄黃河口稍南
有沙埂五條船行遇東風則慮淺攔宜避之又
北至安東縣淮河口對出之洋面約九十里係
佃湖營所轄又北至海州贛榆縣鷹游門對出
之洋面約一百八十里係東海營所轄計自奈
山大洋以北起至鷹游門對出之洋面止約共
一千五六百里統歸狼山鎮汛地凡舟行過奈

山卽四顧汪洋無島嶼可依行船用羅盤格定
方向轉針向北略東行如東南風則針頭偏東
一箇字如西南風則針用子午查江南奈山與
山東鐵槎山南北遙對謂之南槎北槎行船應
用子午正針因江境雲梯關外迤東有大沙一
道自西向東接漲甚遠暗伏海中恐東風過旺
船行落西是以針頭必須偏東一箇字避過暗
沙再換正針此沙徑東北積爲沙埂舟人呼爲
沙頭山若船行過於偏東一直上北便見高麗
諸山故將近大沙時仍須偏西始能對成山一

帶也

第四段行過鷹游門對出之洋面往北卽山東日照縣界山東水師南洋汛所轄又北至文登縣之鐵槎山一名北槎山自柰山至此始見島嶼又北至文登縣之馬頭嘴入東洋汛界經由蘇山島靖海衛及榮城縣之石島養魚池石島居民稠密可泊淮島門東南向春時乘風易入難出自鷹游門至石島約六百餘里大洋中雖舵工以針盤定方向猶須常用水托水托者以鉛爲墜用繩繫之探水取則也每五尺爲一托查

十激開船試水自十托至二十托上下行過柰山試水均在三十托上下順風二日餘均係黑水再試至十托上下卽知船到大沙洋面行過大沙試水漸深至五十托上下視水綠色則係山東洋面順風再一日試水二十托上下水仍綠色遙望北槎及石島一帶山頭隱隱可見再行半日卽至石島洋面此商船赴北一定針路也

第五段自石島至俚島洋面約一百六十里俚島至成山洋面約一百四十里俱榮城縣地爲南

北扼要之所可泊水綠色針盤仍用子午略偏
東從成山轉頭改針向西略北入北洋汛界至
文登縣之劉公島約一百餘里又西至威海衛
一百餘里又西至福山縣之之采島一百餘里
又北至蓬萊縣之廟島二百餘里以上自石島
起至廟島止約共九百餘里之采島西北一帶
有暗礁船行偏東以避之又廟島之東有常山
頭淺灘宜避試水在十五六托至二十托不等
船至廟島以東南風爲大順計東省洋面一百
零五島中有二十五島爲海道要地而廟島尤

大可以停泊

第六段自廟島過掖縣小石島卽入直隸天津海
口約九百里針對大西偏北沿途試水在十四
五托再試水至六托上下水黃色水底軟泥卽
可拋錨候潮進口約計天津海口逆流挽絳一
百八十餘里卽抵天津東關外

以上海運水程自吳淞口出十激東向大洋至奈
山北向鐵槎山厯成山西轉之采島稍北抵天
津總計水程四千餘里

附海口通商原始

自古帝王撫臨寰宇首在協和萬邦勞徠遠人必先懷柔重譯是故周盟不棄荆蠻而異姓會同爭修贄幣漢使遙通西極而殊方納款相率梯航猗歟休哉夙平尚矣嗣茲以降史不絕書蓋家天下則畛域之見胥融子庶民則窮黷之謨弗尙大而無外不以言語嗜欲異其陶成綏之斯來不以荒服遐陬阻其向化抑且憫彼顛蒙宏吾胞與鑒其誠烟廓我範圍宥過援無大之經原情略迹修睦寬不庭之讓偃武敷文於是神其感化舞干羽于兩階節以禮儀聯玉帛于萬國度至大也策至善也我

續天津縣志

卷六

附海口通商

五

朝自道光年間允西洋諸國通商之請

欽差大臣一員主其事以兩廣總督領之咸豐九年改隸

兩江總督其各國使臣習知中國禮儀並能通曉內地語言文字者准令率其國商人於沿海口岸貿易維時止行於廣州福州廈門甯波上海五口迨咸豐十年復議於奉天之牛莊直隸之天津山東之登州廣東之粵海潮州瓊州福建之福州廈門臺灣淡水並長江之鎮江九江漢口皆准其貿易而於京師設立總理各國通商事務衙門

欽派王大臣領之又以天津一口距京甚近各國在津通商若無大員鎮撫安輯之尤恐諸多窒礙乃分牛莊天津登州三口設立辦理通商大臣駐紮天津專辦三口事務

頒給辦理三口通商大臣關防兼綜權稅軍政至其餘各口由南洋通商大臣辦理仍以兩江總督兼領之通商之原始如是至各國來津貿易者既夥議准於離城五里外之紫竹林地方建造房屋以爲居積貨物之所聽其安住並募其善於製造礮位火藥者曰機器局司事深明紀律者曰洋鎗隊教習

續天津縣志 卷六 附海口通商 六

協同稽查洋船貨稅者曰稅務司均以時給餼廩謹將欽奉

諭旨暨善後章程備錄於後

咸豐十年十二月初九日內閣奉

上諭惠親王等奏會議恭親王奕訢等奏辦理通商善後章程一摺據稱籌議各條均係實在情形請照原議辦理等語京師設立總理各國通商事務衙門著卽派恭親王奕訢大學士桂良戶部左侍郎文祥管理並著禮部頒給欽命總理各國通商事務關防應設司員卽於內閣部院軍機處各司員章京內滿漢各挑取八員卽

作爲定額毋庸再兼軍機處行走輪班辦事侍郎銜候
補京堂崇厚著作爲辦理三口通商大臣駐紮天津管
理牛莊天津各口通商事務會同各該將軍督撫府尹
辦理並頒給辦理三口通商大臣關防毋庸加欽差字
樣其廣州福州廈門甯波上海及內江三口潮州瓊州
臺灣淡水各口通商事務著署理欽差大臣江蘇巡撫
薛煥辦理新立口岸除牛莊一口仍歸山海關監督經
管外其餘登州各口著各該督撫會同崇厚薛煥派員
管理所有各國照會及一切通商事宜隨時奏報並將
原照會一併呈覽一面咨行禮部轉咨總理各國通商
續天津縣志

卷六

附海口通商

十七

事務衙門並著各該將軍督撫互相知照遇有交卸專
案移交後任其吉林黑龍江中外邊界事件併著該將
軍等據實奏報一面知照禮部轉咨總理衙門不准稍
有隱飾欽此

一京師請設立總理各國事務衙門以專責成也
查各國事件向由外省督撫奏報彙總於軍機處
近年各路軍報絡繹外國事務頭緒紛繁駐京之
後若不悉心經理專一其事必致辦理延緩不能
悉協機宜請設總理各國事務衙門以王大臣領
之軍機大臣承書

諭旨非兼領其事恐有歧悞請一併兼管並請另給公所
以便辦公兼補與各國接見其應設司員擬於內
閣部院軍機處各司員章京內滿漢各挑取八員
輪班入直一切均做照軍機處辦理以專責成俟
軍務肅清外國事務較簡再行裁撤仍歸軍機處
辦理以符舊制

一南北口岸請分設大臣以期易顧也溯查道光
年間通商之初祇有廣州福州廈門甯波上海五
口設立

欽差大臣一員現在新立條約北則奉天之牛莊直隸之

續天津縣志

卷六

附海口通商

六

天津山東之登州南則廣東之粵海潮州瓊州福
建之福州廈門臺灣淡水並長江之鎮江九江漢
口地方遼闊南北相去七八千里若仍令其歸五
口

欽差大臣辦理不獨呼應不靈各國亦不願從且天津一
口距京甚近各國在津通商若無大員駐津商辦
尤恐諸多窒礙擬請於牛莊天津登州三口設立
辦理通商大臣駐紮天津專管三口事務直隸爲
畿輔重地督臣控制地方不能專駐天津而藩臬
兩司各有專職亦未便兼理其事擬做照兩淮等

處之例將長蘆鹽政裁撤歸直隸總督管理所有利弊另行具片陳明外其鹽政衙署養廉卽撥給通商大臣不必另議添設以節經費舊管關稅一併歸通商大臣兼管分晰造報並請

頒給辦理三口通商大臣關防一顆毋庸加

欽差字樣仍准酌帶司員數員以資襄辦遇有要事准其會同三省督撫府尹商同辦理庶於呼應較靈其舊有五口

欽差大臣一員以兩廣總督領之咸豐九年改隸兩江總督查現在新增內江三口並廣東之潮州瓊州福

續天津縣志

卷六

附海口通商

十九

建之臺灣淡水口岸較多事務更繁誠恐該督會國藩兼司其事非特鞭長莫及並慮未能諳悉夷情應仍責令署理

欽差大臣薛煥妥爲辦理至天津上海兩處所辦事件應倣照各省分別奏咨之例隨時知照總理處以免歧誤至吉林黑龍江俄人從前越界侵佔歷任將軍隱匿不報以致日久無從禁阻應請

飭令該將軍等於中外邊界據寔奏報不准稍有粉飾其中外交涉事件一併按月咨照總理處察核再現查天津一口祇有進口貨物並無出口大宗如果

日久貿易不旺彼必廢然思返應仍臨時酌量情形或將通商大臣裁撤以省冗員

一新設瓊州潮州臺灣淡水長江等各口關稅請分飭各省就近揀派公正廉明之地方官管理以期裕課也查洋稅一項向係儘徵儘解該關官吏視爲利藪侵蝕偷漏百弊叢生於關稅大有妨礙現在洋稅既有二成扣償尤宜及早清結免生枝

節天津關稅臣等現議歸新設之辦理三口通商

大臣管理其牛莊一口向歸山海關監督管理該口稅貨以豆餅爲大宗八年所定稅則章程不准

外國裝載出口如此則進口出口貨物無多外國船隻日久無利可圖未必踴躍樂趨似不必另行設官辦理仍歸山海關監督經管查該監督所管關稅其大宗在牛莊而山海關所收稅則須在封河以後牛莊所收乃在開河以後封河以前嗣後應飭令該監督於二月後卽駐牛莊封河後再回山海關以便稽查彈壓惟事關通商有中外交涉事件該監督應聽辦理三口通商大臣統轄以免歧悞並將所收做照福州上海各關章程分晰內地外國稅餉專款報部不得以中國船貨稅項牽

混計算至登州向係私設口岸隱匿多年現既新立口岸自應派員專理應由天津通商大臣會同山東巡撫妥商具奏其粵海福州廈門甯波上海五口舊有管理稅務之將軍監督道員無庸另議更張外至新立之瓊州潮州臺灣淡水長江通商之鎮江九江漢口等與何省附近均由本省督撫會同上海

欽差大臣奏明派員經理除各省中外交涉事件應由本省地方官按照條約隨時辦理外其各新舊口岸稅銀並進口出口船隻數目各情形按月呈報管

續天津縣志

卷六

附海口通商

三

轄之通商大臣

欽差大臣稽查並由該大臣按月咨報總理處及戶部以憑查核至俄國新議行銷貨物之庫倫喀什噶爾張家口並舊有通商之恰克圖塔爾巴哈臺等處並請

飭下伊犁將軍庫倫喀什噶爾塔爾巴哈臺各大臣張家口監督除俄國條約內第一條所載烏蘇里綏芬河等處不納稅外其餘各貿易處所如舊有稅課應令悉心經理據實奏報不得稍有侵蝕以備撥用惟洋稅舊定百兩另交傾鎔銀一兩二錢入年

間籌辦稅則議明裁撤傾鎔之費現在和約既換自應按照辦理且議定按稅扣歸二成立有會單以扣項之盈絀核稅課之多寡是每年洋稅徵收若干皆已澈底澄清經手官吏卽不能侵蝕肥己不獨糊口無資暗生弊竇且恐奸猾吏胥無利可圖挑畔生事於大局尤有關係若不明定章程予以辦公經費殊恐弊生意外所有各口起解部餉川資運腳以及稽查關稅書吏辛工紙張一切費用擬請

飭令天津通商大臣上海

續天津縣志

卷六

附海口通商

三

欽差大臣會同各該地方督撫酌議章程奏請遵行庶可速清扣項剔除稅弊

一各省辦理外國事件請

飭該將軍督撫互相知照以免歧悞也查辦理外國摺報以及恭奉寄信

諭旨向以事涉外國軍機處既不發抄各督撫亦不互相關會原以昭慎密而防洩漏惟現既令各該省及通商大臣

欽差大臣隨時咨報京城總理處而各省將軍府尹督撫隨時應辦事件亦應彼此聲息相通方不致稍有

歧異且有此省辦理妥協而彼省可以做照者有
彼省辦理未宜而此省亦先預防者查咸豐九年
二月間前兩江總督何桂清奏向來凡事俱係密
奏並不互相關會亦無卷據可考甚有同官一處
而不知其詳者以致歧途百出枝節橫生實爲一
大弊端請

飭互相知照以歸畫一各等語臣等核其所奏係屬實在
情形嗣後天津通商大臣上海
欽差大臣以及各省一切奏牘及欽奉

上諭事件除咨報總理處外均應

續天津縣志

卷六

附海口通商

三

飭令隨時互相咨會遇有交卸專案移交後任庶原委可
以稽考而情形不至隔膜惟其慎密仍令各該省
派親信可靠之人抄錄知照不涉書吏之手以期
格外防範而杜漏洩之弊

一認識外國文字通解外國言語之人請

飭廣東上海各派二人來京差委以備詢問也查與外國
交涉事件必先識其性情今語言不通文字難辨
一切隔膜安望其能妥協從前俄羅斯館文字會
例定理藩院文字具有深意今日久視爲具文未
能通曉似宜量爲鼓舞以資觀感聞廣東上海商

人有專習英法米三國文字語言之人請

飭各該省督撫挑選誠實可靠者每省各派二人共派四
人攜帶各國書籍來京並於入旗中挑選天資聰
慧年在十三四以下者各四五人俾資習學其派
來之人做照俄羅斯館教習之例厚其薪水兩年
後分別勤惰其有成效者給以獎敘俟入旗學習
之人於文字言語悉能通曉卽行停止俄羅斯語
言文字仍請

飭令該館妥議章程認真督課所有學習各國文字之人
如能純熟卽奏請給以優獎庶不致日久廢弛

讀天津縣志

卷六

附海口通商

二

一各海口內外商情並各國新聞紙請

飭按月咨報總理處以憑核辦也查新定各國條約以通
商爲大宗是商情之安否關係地方最爲緊要嗣
後新舊各口中外商情是否和協如爲

欽差大臣耳目所不及者卽

飭令各該將軍府尹督撫按月將各口商情據實奏報一
面咨報

欽差大臣及通商大臣不得視爲具文稍涉虛假至辦理
外國事務尤應備知其底細方能動中竅要近年
來臨事偵探往往得自傳聞未能詳確辦理難期

妥協各國新聞紙雖未必盡屬可信因此推測亦
可得其大概廣州福州甯波上海舊有刊布名目
不同其新開各口亦當續有刊布應請一併

飭令欽差大臣及通商大臣並各該省將軍府尹督撫無
論漢字及外國字按月咨送總理處庶於中外情
形瞭如指掌於補弊救偏之道益臻詳審

附海口通商泰西各國請定約事宜

咸豐十一年二月布魯斯亞國使臣迂愛倫布到
津請立通商條約二月十九日奉

上諭恭親王奕訢等奏接據崇厚函稱布魯斯亞國幫辦

續天津縣志

卷六

附海口通商

三五

班德赴津求見並有該國公使迂愛倫布呈遞奕訢照
會一件內稱奉伊國特簡前來中國商定通商該王大
臣等擬請特派大員赴津辦理奕訢等既未能分身赴
津著派崇綸會同崇厚辦理該國換約通商事務欽此
同治元年五月大西洋國使臣基瑪良士到津請
立通商條約五月二十一日奉

旨著派內閣學士恆祺會同左副都御史通商大臣崇
厚辦理欽此嗣於三年四月十五日該國復遣使
阿穆恩來津請換條約奉

旨著派總理各國事務衙門行走薛煥兵部左侍郎通

商大臣崇厚作爲全權大臣辦理欽此

同治二年七月二十四日荷蘭國使臣礬大何文到津請立條約奉

上諭著崇厚與該國使臣在天津妥爲辦理並發去全權大臣諭旨一道俟立約事竣仍將此旨繳回將此諭令知之欽此

同治三年三月初八日丹國使臣拉斯喇弗到津請立通商條約三月二十三日奉

旨著派工部左侍郎恆祺會同兵部左侍郎通商大臣崇厚辦理欽此

續天津縣志

卷六

附海口通商

三

同治三年五月初三日斯巴尼亞國使臣瑪斯到津請立通商條約五月初八日奉

旨著派薛煥崇厚作爲全權大臣便宜行事欽此

同治四年六月十七日比利時國使臣金德到津請立通商條約七月十一日奉

旨著派董恂崇厚作爲全權大臣便宜行事欽此

同治五年八月十七日義大利亞國使臣阿明榮到津請立通商條約九月初一日奉

旨著派戶部左侍郎譚廷襄作爲全權大臣會同通商大臣崇厚辦理欽此

同治八年五月二十六日奧斯馬加國使臣畢慈
到津請立通商條約六月十二日奉

旨著派總理各國事務大臣董恂通商大臣崇厚作爲
全權大臣便宜行事欽此